





ISUMAGINNINERMUT, ILAQUTARIINNUT INATSISINILLU
ATUUTSITSINERMUT NAALAKKERSUISOQARFIK

NAALAKKERSUISUT
GOVERNMENT OF GREENLAND



PENSIUUNISIAT



7. Naammagittaalliuuteqarsinnaavutit

Kommunip aalajangiinera isumaqatiginngikkukku, Isumaginninnermi Naammagittaalliuuteqartarfirmut naammagittaalliorsinnaavutit. Naammagittaallionissamat immer-sugassiaq najukkanni kommunip allaffiani Sullissivik.gl-imiluunniit immersorlugu naammagittaalliuuteqarsinnaavutit. Taamaanngippat Isumaginninnermi Naammagittaalliuuteqartarfik allakkatigut, oqarasuaatikut najukkamulluunniit ataani allaqqasumut saaf-figinnillutit attaveqarsinnaavutit:

Isumaginninnermi Naammagittaalliuuteqartarfik

Imaneq 29 1. sal

Postboks 689

3900 Nuuk

Tlf: +299 32 80 33

Email: maalaarut@nanoq.gl

NAALAKKERSUISUT
GOVERNMENT OF GREENLAND



1. Aallaqqaasiut

Utoqqalinersiat tapiissutaapput 67-inik ukioqalereerninni qinnutigisinnaasatit.

Kalaallit Nunaanni utoqqaat soraarninngorsimasut aningaasaqarnikkut isumannaallisaavigineqarnissaat, ilutigitillugulu utoqqalinissamut ileqqaarnissap soqutiginarnerunissaa, utoqqalinersiaqartitsinermit siunertaavoq. Tamatuma saniatigut soraarnerit suliinnarnissamut pisinnaasut perusuttullu- immaqqa sivikinnerusumik - pitsaanerusumik aamma atugassaqartinneqassapput. Malittarisassat soraarnernut innuttaasunullu utoqqalinersiaqalernissamut qinnuteqartunut tamanut atuupput.



**Isumaginninnermut, Ilaqutariinnut Inatsisinillu
Atuutsitsinermit Naalakkersuisoqarfik**

Imaneq 4

Postboks 260

3900 Nuuk

Tlf: +299 34 50 00

Email: ian@nanoq.gl

2020

Ilusilersuisoq: irisager.gl

Assit: Leiff Josefsen

6. Danmarkimi utoqqalinersiat

Utoqqalinersiaqaruit Danmarkimullu nuullutit utoqqalinersiatit nassarsinnaanngilatit. Allatut oqaatigalugu Danmarkimut nuukkuit utoqqalinersiatit qaammatip naanerani unitsinneqassapput.

Danmarkimili utoqqalinersiaqalernissamik qinnuteqarsinnaavutit. Piumasaqaataasut naammassisinnaagukkit taanna Danmarkimut piniariaruit qinnutigissavat.

Danmarkimi najugaqartuuguit utoqqalinersiaqalernissamik taamaallaat qinnuteqarsinnaavutit. Taamaattumik nuunnivit oqartussanut nalunaarutiginnissaa eqqaamassavat.

5. Tapit

Utoqqalinersiallit tapinik arlalinnik pissarsinnaapput assersuutigalugu meeqqamut pilersuisussaataagunik, innarluuteqarunik aningaasatigulluunniit annertuumik ajornartorsiuteqarunik.

5.7 Meeqqanut tapeq

Utoqqalinersiaqartuuguit meeqqamullu 18-init inorlugit ukiulimmut pilersuisussaati-taallutit meeqqanut tapisinnaavutit. Meeqqap ilinni najugaqarnissaa illillu Kalaallit Nunaanni aalajangersimasumik najugaqartuunissat piumasaqaataavoq.

Meeqqanut tapeq qaammammut 1.000 kr.-iuvoq.

Meeqqanut tapeq peerneqassaaq

- Meeraq tamakkiisumik pisortanit pilersorneqarpat
- Meeraq ilinniagaqarnersiuteqarpat suliffimmiluunniit misiliinermini tapisiaqarpat
- Meeraq nammineq aapparissaminut/inooqatigisaminut namminerluunniit meeqqaminut pilersuisussanngortitaappat.

5.8 Tapit allat

Utoqqalinersiallit ilaannut innarluuteqarnermut peqqissutsimullu tapeqartitsinissamut, aningaasanut nammineq atorsinnaasanut aningaasatigulluunniit tapeqartitsinissamut periarfissaqarpoq.

Utoqqalinersiaqartuunissat Kalaallit Nunaannilu aalajangersimasumik najugaqartuunissat tapinut tamanut piumasaqaataavoq. Tapit akigitallu sorliit pisartagarisnaa-nerlugit ersarinnerusumik paasiniallugu kommunerisat attavigiuk.

Innarluuteqarnermut peqqissutsimullu tapit: Tunniunneqarsinnaapput, timikkut tarnikkulluunniit annertuumik innarluuteqaruit.

Aningaasanut nammineq atorsinnaasanut tapit: Tunniunneqarsinnaapput, akileraarutit ilanngaatililu kingorna aningaasat sinneruttut isumatuunik inuuniarissamut ikippallaartut kommune nalliippat. Assersuutigalugu ineqarnermut akiliutissat innaallagisamulluunniit akiligassat akissaqartingikkukku tunniussisoqarsinnaavoq.

Aningaasatigut tapeq: Utoqqalinersialinnut immikkut aningaasatigut ajornartorsiutillinnut aningaasanik ataasiartumik tunniussisoqarsinnaavoq. Tapeq taanna aningaasartuutininik pingaarnernik matussusiinermit taamaallaat tapiissutaavoq, assersuutigalugu piffissap ilaani nerisassanut aningaasaateqanngikkuit, kissarsuutivilluunniit uuliatortup ajoquteqalersimanera pissutigalugu iluarsaanneqartariaqarsimappat.



2. Utoqqalinersiaqalernissamut kikkut qinnuteqarsinnaappat?

Ulloq 1. januaari 2021 aallarnerfigalugu utoqqalinersiaqarsinnaalernissamut 67-inik ukioqalersimassaait.

Innullu ukiuni ikinnerpaamik 35-ini timikkut tarnikkullu artukkernartumik sulisimasunit qinnuteqarnerup kingorna 65-inik ukioqalernerannit utoqqalinersiaqartitsinissamik kommunalbestyrelsi aalajangiinnaavoq. Inatsimmi piumasaqaatinut matumunnga mallittarisassat qinnuteqartumit naammassineqarpata tunniussisoqarsinnaavoq. Qinnuteqartup akissarsiortuunerminit aamma/imaluunniit namminersortumik inuussutissarsiuteqarnerminit kingunerisaanik nungullarsimanissaa ilaatigut piumasaqaataavoq. Suli suliffeqarnissat aamma piumasaqaataavoq.

Ilanngullugu Danmarkimi innuttaassuseqarlutillu Kalaallit Nunaanni najugaqassaait imaluunniit qinnuteqarneq sioqqullugu ukiuni pingasuni kingullerni Kalaallit Nunaanni aalajangersimasumik najugaqarsimassallutit.

3. Qanoq ilillunga utoqqalinersiaqalernis-samut qinnuteqarsinnaavunga?

Utoqqalinersiaqalernissamut qinnuteqarusukuit kommunimut saaffiginnissaatit. Tassunga atatillugu utoqqalinersiaqalernissannut piumasaqaatit aalajangersimasut arlallit tamatigut naammassineqarsimasussat eqqumaffiginissaat pingaaruteqarpoq.

Utoqqalinersiaqareersimaguit utoqqalinersiaqalernissamut nutaamik qinnuteqassanngilatit.

Utoqqalinersiaqalernissannik qinnuteqarniaruit qinnuteqarnissamut immersugassiaq immersorneqassaaq. Taanna najukkanni kommunip allaffiani pissarsiarinnaavat.

NemID-eeqaruit Sullissivik.gl aqqutigalugu qarasaasiakkut aamma immersuisinnaavutit. NemID netbankimut atortakkat atorsinnaavat.

Eqqaamassavat nammineerlutit utoqqalinersiaqalernissamut qinnuteqartussaagavit.

Siusinaartumik soraarnerussutisiaqaruit 67-inik ukioqaleruit ingerlaannartumik utoqqalinersiaqalissaatit.

Katissimallugu aappaqaruit, nalunaarsukkamik aappaqaruit katissimanermulluunniit assingusumik sivikinnerpaamik ukiumik ataatsimik sivisussuseqartumik inooqateqaruit katissimasat/nalunaarsukkamik aapparisaat/inooqatigisaat marlunnik immersuisaasq. Taakku najukkanni kommunip allaffiani piniarsinnaavatit.

Piffissaagallartillugu qinnuteqarnissat inassutigineqarpoq. 67-inik ukioqalernissannut qaammatit marluk missaat sioqqullugu qinnuteqarnissat innersuussutaavooq.



Ikiliartortitsinerup aallartiffia:

- Tunngaviusumik utoqqalinersiat 383.666 kr.-iupput. Aningaasat taakku sinnerlugit akissarsiaqaruit, akissarsiatit killiliussap sinniissutaanik tunngaviusumik utoqqalinersiat koruunikkaarlugit 40 oorimik ikilissapput. Tunngaviusumik utoqqalinersiat piivinneeqassapput, 544.263 kr.-inik amerlanerusunilluunniit akissarsiaqaruit. Uani aapparisaat/inooqatigisaat isertitai ilaatinneeqanngillat.
- Utoqqalinersialimmuut utoqqalinersiaqanngitsumik aappalimmuut/inooqatilimmuut utoqqalinersianut tapit 183.000 kr.-iupput. Aappariit isertitaat katillugit 300.000 kr.-init ikinnerussapput.
- Aningaasat taakku sinnerlugit akissarsiaqarusi illit aamma aapparisaat/inooqatigisaat akissarsianut killiliussap sinniissutaanik tunngaviusumik utoqqalinersiat koruunikkaarlugit 22 oorimik ikilissapput. Utoqqalinersianut tapit piivinneeqassapput, illit aamma aapparisaat/inooqatigisaat 300.000 kr.-inik amerlanerusunilluunniit akissarsiaqaruit/ssi. Utoqqalinersianut tapit allat tapisiarisalersinnaanerannik tamanna kinguneqarsinnaavooq.
- Utoqqalinersialimmuut aappalimmuut/inooqatilimmuut utoqqalinersianut tapit 183.000 kr.-iupput. Aningaasat taakku sinnerlugit akissarsiaqarusi illit aamma aapparisaat/inooqatigisaat akissarsianut killiliussap sinniissutaanik tunngaviusumik utoqqalinersiat koruunikkaarlugit 22 oorimik ikilissapput. Utoqqalinersianut tapit piivinneeqassapput, illit aamma aapparisaat/inooqatigisaat 384.327 kr.-inik amerlanerusunilluunniit akissarsiaqaruit.
- Kisermaanut tapeqartitsiffiusumik utoqqalinersianut 156.000 kr.-upput. Aningaasat taakku sinnerlugit akissarsiaqaruit illit akissarsianut killiliussap sinniissutaanik tunngaviusumik utoqqalinersiatit koruunikkaarlugit 35 oorimik ikilissapput. Tapeqartitsiffiusumik utoqqalinersiat piivinneeqassapput, 383.666 kr.-inik amerlanerusunilluunniit akissarsiaqaruit.

4.6 Utoqqalinersianik akileraarusiisarneq

Akileraarusiisarneq: Utoqqalinersiat akileraarutaasussaapput, tamatuma kingunerisaanik utoqqalinersianik akileraartoqartartussaavooq, soorlu assersuutigalugu akissarsiat taamaaliorneqartartut.

Inummut ilanngaata aamma Aalajangersimasumik ilanngaata: 48.000 kr.-nik inummut ilanngaateqaatigalutit 10.000 kr.-nik aalajangersimasumik aamma ilanngaateqarputit, taakku utoqqalinersianut atatillugu atorsinnaavatit. Inummut ilanngaata aalajangersimasumillu ilanngaata iluaqutigalugit utoqqalinersianni 58.000 kr.-init siullit akileraaruteqarfigissanngilatit.



4.4 Isertitatit allanngorpata qanoq pisoqassava?

Illit imaluunniit aapparisaat/inooqatigisat utoqqalinersiavit saniatigut isertitaqartaruit tassanngaannartumik allannguuteqartunik assersuutigalugu piffissap ilaannaani suli-saleruit sulisarunnaaruilluunniit imaluunniit aapparisaat/inooqatigisat paaqqinnittarfimmut nuuppat, tamanna utoqqalinersiannut sunniuteqassaaq.

Massakkorpiaq isertitatit malunnaatilimmik allannguuteqarpata kommunerisavit tamatumingga ilisimatissallugu kiisalu massakkorpiaq siunissamilu isertitavit allannguutai uppersaasissallugit pisussaaffeqarputit. Assersuutigalugu akissarsiat allagartaat, tunisnermut uppersaasit isumaqatigiisummilluunniit atorunnaarsitsineq uppersaasatit atorneqarsinnaapput. Tamatuma kingorna utoqqalinersiatit kommunimit naatsorsuiffigeqqinneqassapput, taamaasilluni inissisimaffiit piviusoq aallaavigineqassaluni. Taamaattumik ilaatigut oqartoqartarpoq "massakkorpiaq isertitat".

Assersuutigalugu piffissap ilaannaani suliffiit annaasimagukku utoqqalinersianut tapinik qaffasinnerusunik sukkanerusunik tunineqarsinnaanissannik tamanna isumaqarpoq.

4.5 Utoqqalinersianik ikiliartortitsineq

Tunngaviusumik utoqqalinersianik utoqqalinersianullu tapinik pisartagaqarnissamut akuerineqarsimagaluaruilluunniit tamakkiisumik utoqqalinersianik pisartagaqarnissat qularnaarneqanngilaq. Utoqqalinersiavimmi aningaasartai ikilineqartarput illit imaluunniit aapparisaat/inooqatigisavit massakkorpiaq isertitanut killissaq aalajangersima-soq qaangersimappassuk.

Ikiliartortitsineq: Illit aamma aapparisaat/inooqatigisat killissaq qaangerlugu akissarsiasi koruunit tamarmik, utoqqalinersiavit aningaasartaannik ikinnerulersitsissapput. Tamanna taaneqartarpoq *ikiliartortitsineq*.



4. Utoqqalinersiat annertussaat

Utoqqalinersiat tassaapput tunngaviusumik utoqqalinersiat utoqqalinersianullu tapit. Tamatuma saniatigut immikkut ittumik pisoqartillugu tapisiaasinnaasunut arlalinnut periarfissaqarpoq.

Tunngaviusumik utoqqalinersiat utoqqalinersialinnut tamanut assigiipput, utoqqalinersianullu tapinut akigititaq assigiingiaarsinnaavoq aappaqarnersutit/inooqateqarnersutit kisimiittuunersutilluunniit apeqquataatinneqarluni.

Utoqqalinersiat amerlassusaannut utoqqalinersiat saniatigut namineq qanoq isertitaqartiginersutit utoqqalinersiavillu saniatigut aapparisaat/inooqatigisat qanoq isertitaqartiginersoq aamma apeqquataavoq.

4.1 Utoqqalinersianut akigititat

Utoqqalinersianut akigititat tullinnguuttut 1. januaari 2021-miit atuupput.

- Tamanut tunngaviusumik utoqqalinersiat ukiumut 64.239 kr.-it tikillugit amerlassuseqarput
- Utoqqalinersianut tapit kisermaamut ukiumut 79.683 kr.-upput
- Utoqqalinersianut tapit utoqqalinersialimmut utoqqalinersiaqanngitsumik aappalimmut/ inooqatilimmut ukiumut 79.683 kr.-it tikillugit amerlassuseqarput, aappariit massakkut isertitaat katillugit 300.000 kr.-it ikinneruppata.
- Utoqqalinersianut tapit utoqqalinersialinnut aappalinnut/inooqatilinnut ukiumut 44.292kr.-it tikillugit amerlassuseqarput.

Utoqqalinersiat ima ineriartortinneqartarput¹:

TUNNGAVIUSUMIK UTOQQALINERSIAT (tamarmik) 64.239 kr.		
UTOQQALINER-SIANUT TAPIT (kisermaanut) 79.683 kr.	UTOQQALINER-SIANUT TAPIT (aapparit) 44.292 kr.	UTOQQALINER-SIANUT TAPIT* (aapparit ukiumut 300.000 kr.-nit ikinne-rusumik isertitallit) 79.683 kr.
TAPIT ALLAT (soraarnerussutisalinnoq immikkut pisariaqartitsisunut) ANINGAASAT AMERLASSUSAAT ALLANNGORARPAT		

4.2 "Aapparisaq/ inooqatigisaq" qanoq paasineqassava?

Aapparisaq/inooqatigisaq tassaavoq inuk katissimallugu aapparisaq, nalunaarsukkamik aapparisaq katissimanermulluunniit assingusumik sivikinnerpaamik ukiumi ataatsimi inooqatigisaq.

4.3 Suut "isertitatut" isigineqassappat?

Isertitatut pineqarput illit aapparisaq/inooqatigisaq avillu "massakkorpiaq isertitassi katinneqarnerat". Massakkorpiaq isertitat isertitallu akileraarutaasussat assigiinngitsuuq, tassami isertitat akileraarutaasussat assigiinngitsut massakkorpiaq isertitatut isigineqarneq ajorput.

Massakkorpiaq isertitat aallaaviatigut tassaasarput illit aapparisaq/inooqatigisaq qaammatini kingullerni 12-ni A-tut aamma B-tut isertitassi katinneqarnerat. Assersuutigalugu akissarsiaasinnaapput namminerluunniit utoqqalinersiat ukiumut ileqqaakkat. Takusassiami tulluuttumi takusinnaavat isertitat suut ilaanersut suullu ilaannginnerisut.

¹ *Malugiuk, (takusassiami ataaniittumi) utoqqalinersianut tapinik "qorsummittoq" aapparit ukiumut 300.000 kr.-nit ikinne-rusumik isertitallit pissappata, aapparisaq utoqqalinersiaqartuus-saangilaq siusinaartumilluunniit soraarnerussutisigartuunani.

"Isertitatut" natsorsuutigineqartut	"Isertitatut" naatsorsuutigineqangitsut
A-TUT ISERTITAT Akissarsiat Ilinniagaqarnersiutit Utoqqalinersianut nammineq ileqqaakkat Siulersuisunut ilaasortatut aningaasarsiat	A-TUT ISERTITAT*² Utoqqalinersiat Siusinaartumik soraarnerussutisiat Inunnut Isumaginninnikkut Isumannaallisaaneq pillugu Nunat Avannarliit isumaqatigiissutaa malillugu soraarnerussutisiat
B-TUT ISERTITAT Ernianit isertitat Obligationit aningaasallu tammarnaveeqqusikkat Akissarsiat Nammineq suliffeqarfutisigamit sinneqartoortit Tunisat Atorfeqarnermut atatillugu iluaqutit akeqangitsut	B-TUT ISERTITAT Paaqqinninnerisutisiat Pilerortumik paarsinermut akissarsiat Meeqqanut paarineqartunut oqilisaassisuunermut akissarsiat ISERTITAT AKILERAARUSI-GASSAANNIGITSUT (soorlu ineqarnermut tapiissutit)

Aalajangersimasumik ilanngaasat: Innuttaasut tamarmik aalajangersimasumik 10.000 kr.-nik ilanngaateqartarput, taanna utoqqalinersianut atatillugu atorfeqarsinnaavoq. Illit aapparisaq/inooqatigisaq avillu A-tut B-tullu isertitassinni 10.000 kr.-it siulliit massakkorpiaq isertitassinni ilaatinneqassannginnerannik tamanna isumaqarpoq.

Utoqqalinersiaqalernissamik qinnuteqaruit kommuni suleqatigalugu massakkorpiaq isertitassatit naatsorsuusioreneqassapput utoqqalinersiaqaleruit isertitatit allannguu-teqartussaammata.

² Malugiuk, aapparisaq/inooqatigisaq utoqqalinersiaata naatsorsorneqarnissaanut utoqqalinersiat maannakkut isertitanut ilaatinneqanngikkaluartut, taamaattoq utoqqalinersiatit tapisiat allat, assersuutigalugu ineqarnermut tapit, naatsorsorneqarnissaannut ilaatinneqartarmata.